

سنه : ۳


۳۰ ايلول ۱۳۳۶

عدد : ۳۱



تاریخ وادستان

۱۳۳۶ هـ



برکون بیلنبر فیستی مجموعہء ملک اما
پاک چوق آرا ایراور تہ دہ مجموعہء بولنیز

ایتدک شرف خدمت اجدادی فراموش
آثارینہ اسلافنک رغبت اولنیز

اويله بر آهندلك اولدق اسير مكرى كيم
بيلمز انسانيتى هرشيده بر غوغا آرار

ظلم ايله مآلوف اولان ظالمرى ترهيب ايچون
مكر ايله مجبول اولان ماكرلرى تعذيب ايچون
حاصلى هپ خيره، شر آدمى تقليب ايچون
فرقه فرعونيان تالمى تاديب ايچون
دست بي تاهم عصاي معجز موسا آرار

منحرف ايلر مزاج كاملى چرخ غنيد
بر هواي مفسدت هركون اولور . زيرا بديد
باق نه حكمتدر هله « رمزي » بو بيت ناشيد
عنصر عالمدن اولمشدرد « اميرى » نا اميد
بو عناصردن مبرا بشقه بر دنيا آرار

(فئه باغيه) حقنده وقيله سويليوب كچن نسخده مندرج بولنان
« ترجيع بند » عاجزانه مك مابعدى : [۱]

بوكون جهانده متين بريورك سلانيكدر
جهانده بشقه فلك يوق فلك سلانيكدر
مطاع اعظم انس وملك سلانيكدر
عيون حرمت ايچنده ببك سلانيكدر

[۱] « ۳۱ مارت هائله سنده بيلديز سرائي يغما ايدنلرك محكوميتى »
بوكره بالاده كي سرلوحه ايله غزته لرله نشر و اعلان ايدلمش اولان مسئله هم تاريخي،
همده غايت مهم بر وقعه هائله اولممله برابر، تاريخي اولان شو مجموعه منزه
وبالخاصه بو « ترجيع بند » منزه بك بيوك مناسبتى اولديغندن انشالله كله بك
نسخه لر منزه نشر ايدم جگوز .

سلانیک اولدی بتون کائنات شان وطن
جهان مجمل قدرت پناه جان وطن
ندر میانه امتده اختلاف یازق
ندر بوکذب مبرهن ندر بولاف یازق
ندر بووعددن اول یازق خلاف یازق
بواختلاف یازق هم بواءتساف یازق

سلانیک اولدی بتون کائنات شان وطن
جهان مجمل قدرت پناه جان وطن
زواللی ملکه یازق اولدی ای ذلیل چکیل (۱)
برازده یوقیدر اذعانک ای رزیل چکیل
بوملک وملتی محو ایتدک ای ثقیل چکیل
چکیل بومسند عالیدن ای سفیل چکیل
سلانیک اولدی بتون کائنات شان وطن

جهان مجمل قدرت پناه جان وطن
او شهره (کعبه حریت) ایتدیلر اطلاق
اوتانمهدن برآلای ارزل طریق نفاق
اولورمی راضی بوکا ذات خالق ورزاق
بلایه اوغرادر البته حضرت خلاق

سلانیک اولدی بتون کائنات شان وطن
جهان مجمل قدرت ، پناه جان وطن
بتون مقاصد اقصا بوکشوری صومیق
بتون مطالب ادنا خزینه لر چالمق
بتون قواعد سفلا بوملتی یولمق
بتون مکائد فحشا نه بولسه لر قایمق

سلانیک اولدی بتون کائنات شان وطن
جهان مجمل قدرت پناه جان وطن

کوزم مساعده روزکاره الدامه
آتار سنی کون اولور بردیاره الدامه
نبات عالم ناپایداره الدامه
شب فلاکتی فکر ایت نهاره الدامه
سلانیک اولدی بتون کائنات شان وطن
جهان مجمل قدرت پناه جان وطن
فنا دکلدی اساسنده مسلك و ترتیب
نه ایشلر ایشلیدیلر بعضیسی عجیب و غریب
اوکونکی مسئله خلعی ایتدیلر تصویب
بورونلری بویودی اولدی کوه قافه قریب
سلانیک اولدی بتون کائنات شان وطن
جهان مجمل قدرت پناه جان وطن
بوملك و ملته حریت اولملی زینت
بونی قبول ایله تقدیر ایدر بتون ملت
بوکا مساعد اولورمی اوسزده کی خصلت
یازق که نفسکزه آلت اولدی حریت
سلانیک اولدی بتون کائنات شان وطن
جهان مجمل قدرت پناه جان وطن
دوشون مبادی حریتی بوملته
اونشهلر نه ایدی قلب پاك امتده
نتیجه ظاهر اولنجه طریق ذلتده
حمیت اهلی بتون قالدی یأس و حیرتده
سلانیک اولدی بتون کائنات شان وطن
جهان مجمل قدرت پناه جان وطن
حمیت اهلی خاشلر ایتدی هپ محکوم
ندر بوشرت الہی ندر بومسلك شوم

کیمی فرار ایله مضطر کیمی اسیر غموم
 یوزولدی مسلك عدل عظیم کشور روم
 سلائیك اولدی بتون کائنات شان وطن
 جهان مجمل قدرت پناه جان وطن
 یازقلر اولدی باقک زرده در - سلائیك آه
 نه قالدی شهر سلائیك ندروم ایلی ایواه
 نه اولدی یانیه واشقودره اسکوب ای بدخواه
 نه حالده شمیدی مناستر نظر قیل ای کمرام
 سلائیك اولدی بتون کائنات شان وطن
 جهان مجمل قدرت پناه جان وطن
 بو حال مشتمه بوقضایه اغلامالی
 شعورسز بودنی اشقیایه اغلامالی
 بوملکی محو ایدن اهل شقایه اغلامالی
 علاجی مشکل اولان بوبلایه اغلامالی
 سلائیك اولدی بتون کائنات شان وطن
 جهان مجمل قدرت پناه جان وطن
 باقک نه لر یاییور جاهلان بدکوهر
 شو آهین دینلن پنجه لر دمیر اللر
 یاقده قهر جناب خدا ظهور ایلر
 فقط نه فائده محو وتباه اولور کشور
 سلائیك اولدی بتون کائنات شان وطن
 جهان مجمل قدرت پناه جان وطن
 جریده لر چیقیور روم ایلنده کونا کون
 سلاح وطوپ وقلج ، سونکو ، خنجر وقورشون
 نه هرزه لر یازیور آه بر آلا ی مجنون
 سیاست اهلنه هر برکلامی داغ درون

سلانیک اولدی بتون کائنات شان وطن

جهان مجمل قدرت ، پناه جان وطن

الهی بویجه غفلت ندر بوحال صمم

شاشیردی قالدی بواحواله ترک وروم و عجم

عجیب منظره در دوشدی حیرته عالم

زمانه بویه لری اغلادر کلیر بر دم

سلانیک اولدی بتون کائنات شان وطن

جهان مجمل قدرت پناه جان وطن

الهی بویجه شرّت نصل جبارندر

که اللرنده فساد آتی عدالتدر

لسانلرنده دونن اصلی یوق حمیتدر

خلاصه اصل امل ، جمع مال و سرقتدر

سلانیک اولدی بتون کائنات شان وطن

جهان مجمل قدرت پناه جان وطن

امور دیده مجرب ذواته محتاجز

سلاحی ترکه ، حضور حیاته محتاجز

ترقی ایتمکه ، فیض نجاته محتاجز

سیاست اهلی کزیده دهاته محتاجز

سلانیک اولدی بتون کائنات شان وطن

جهان مجمل قدرت پناه جان وطن

سلانیک اولدی زمانیلله عالی محروسه

بوکونده چوقلری پرغم بوحال مأیوسه

بزم تعرضمن یوقدر اهل ناموسه

اولور خطابمن انحق کروه منحوسه

سلانیک اولدی بتون کائنات شان وطن

جهان مجمل قدرت پناه جان وطن